



Selasa, 04 Juli 2023
Ogen : Pengerana 8:16-17



Ndarami Kepentaren



Sekalok filsuf si tergelar Socrates, erlajar musik kenca umur enggo metua. Nungkun me sekalok jelma man bana nina "la nge kam mela erlajar bas umurndu enggo metua?" "melan kap kuakap motu i bas umur si enggo metua" nina Socrates njabab penungkunen e.

Teridah maka umur metua la ngolangi ia guna erlajar segelah beluh. Tetap idaramina kepentaren e. Ja nari kin rehna kepentaren? Pengerana ncubaken ndarami kepentaren dengen mpelajari kai si lit i bas pertibi enda. Maun latih dengen la tunduh guna ndatkenca. Kepentaren e lit i bas Dibata. Dibata me ulu kepentaren. Dibata e me si nepa doni enda rikut ras kerina isina alu kepentaren. Kalak si ndarami Dibata ndatken kepentaren kap. Bas kegeluhen enda melala si erlumba guna ndatken kepentaren. Ngelakoken erbage-bage usaha guna pentar. Umpamana kita selaku orang tua, silakoken erbage usaha man anak-anakta subuk nekolahkenca, erbahan les tambahen, ras pelatihen-pelatihen sidebanna. Tujun kerina e segelah pentar, sabap bas ukurta "pembelajaran itu tidak didapat dengan kebetulan dia harus dicari dengan semangat dan dijalani dengan tekun." Erdandanken si e me maka semangat kal kita guna mabai anak-anakta segelah nggit erlajar.

Semangat i bas ndatken kepentaren enda ula min terjeng kepentaren doni enda saja entah terjeng pemeteh (kognitif). I babo si e semangat arus teridah bas ndarami Dibata. Teruslah ndarami kai sura-suraNa dengen ndalankenca alu tutus i bas kegeluhenta. Tek kita maka semangat rikut ras kinitutusenta e mabai kita reh pentarna i bas ndalani kegeluhen.

➤ Daramilah kepentaren Dibata desken ndarami erta siterbuni